

RELATO PA PRENSA

Curacao Restaurant Association ta preokupa pa ku e situashon finansiero ku ta reina bou di su miembronan i pa ku e mundu di Horeca.

E sektor di HORECA ta kubri mas ku 16.000 trahado na Korsou. Aktualmente den e sektor di entre otro restaurantnan, ku tin mas ku 300 aki na Korsou, nos ta representa kasi 100 restaurant.

Aktualmente tin mas ku 30% di nos miembro nan, ku te aworaki no a risibi nan subsidio di NOW, mientrestantu a pidi pa mantene hende na trabou.

Awe ta dia 15 di mei i mas ku 1000 trahado no a risibi nan pago di aprel ahinda! Tampoko e negoshinan no a wordu informa e rason pakiko nan no a risibi e supsidio di NOW i no por haña kontakto ku e instanshanan pa puntra kiko of unda e problema ta.

Direktiva di CRA ta lamenta esaki imensamente.

Tambe e des-eskalashon pa ku restaurantnan no ta sufisiente pa por drai. Gastunan di “delivery” ta haltu, take-out ta minimal i pa tin un maksimo di 25 kliente riba bo teras ta algu no ta rendabel i tambe e hecho ku e restaurantnan tin ku será 8 or.

Aktualmente CRA tin indikashon ku e situashon sigi asinaki ku mas ku 40% di restaurantnan na Korsou lo bai será nan portanan i/of bati bankarota. E yudansa ku ta tarda, e ora di será, toke de keda i limitashon di kantidat di hende den bo establisimentu ta e faktornan ku ta hunga un rol grandi den esaki.

Trahadonan ku te ahinda no a kobra, ta perde konfiansa den nan dunado di trabou, komo nan ta kuminsa duda si e negoshi a risibi e supsidio. Asina’ki e situashon ta bira tenso lokual no ta kumbini ni e trahado, ni e dunado di trabou. Mester kumpli ku e trahadonan. Esmas, no mester lubida ku e yudansa ta pa e trahado, i no por straf un negoshi paso e tin kisas algún kos ku no tan a ordu. E sen, e yudansa, ta pa e trahado!

Un suplika ta bai pa e instansha konserni pa atende e asunto aki mas lihe posibel i duna un splikashon na e negoshinan dikon nan no a risibi e yudansa.

Direktiva di CRA